喪

服

奠B

氏

學

輕服受之不著月數者天子諸侯葬異月也小記日 喪服鄭氏學卷八 衰裝齊牡麻絰無受者注無受者服是服而除 疏此齊衰三月章以其義服日月叉少 |月與大功同者繩| 皆言冠帶此及下傳大功盛氏 互誤總麻又直言總麻餘又略之去 (輕故略之至正大功言冠見其正 屨 **婁縣張錫恭纂述** 吳興劉承幹參校 誤傳 求恕

是更以輕服受之也云不著月數者天子諸侯葬異 後以輕服受之若斬衰三升冠六升葬後受衰六升 中有寄公爲所寓又有舊君舊 月也者 除無變服之理故云服是服而除若大功已上至葬 服受之者凡變除皆因葬練祥乃行但此服至葬 月為主三月者法 不居堊室 記云齊衰居堊室者據期故譙周亦云齊衰 大夫士三月葬此章皆三月葬後除之 注 云無受者服是服而除不 一時天氣變可以除之 君中兼天子諸 民服天子 汝 輕

者以繩為經錫恭秦經故齊衰期麻屢無受者 帶屨者因服輕略之絕屨者以麻糾繩爲之凡用麻 與大功皆不言屢故解此二章同繩屢是以鄭遣引 葬異月故也:云小記者彼記人見此喪服齊衰三月 藏其服至葬更服之葬後乃除是以不得言少以包 祖父母不當為義服其衰亦宜五升冠八升不言冠 李氏如圭曰舊說此章衰裳六升冠九升如圭案曾 多亦不得言多以 **也但天子七月葬諸侯五月葬為之** 一證此章著繩屨也 包少是以不著月數者天子諸侯 ]齊衰者皆三月 水奶素 繩

爲主 **著月而疏以三月盲之然其服雖三月而爲王** 姜氏兆錫日案下文各傳皆言齊衰一 著其月也葢經傳互文相足之 此於 吳 者皆不即除而藏以待葬服故傳雖言三月而經 服全日 氏爾岐日雖不言月數大夫士三月**葬**故以三 華 月者天子七 祖之 服待葬時服之若言三月嫌葬時 服以曾 父母矣吳氏則不杖麻屨 袓 《吳氏此條章 法無獨主 編集主 錫素 月而葬踏侯五 入義類 實於注案 本祖云下 加 此 月而 故經 鄭父服記 誼母之齊 而首衰 葬 一侯 主四 服

盛氏世佐日齊衰三月不居堊室 故 服 **稻氏寅亮日亦冠布纓布帶** 大功同有帷帳也亦於中門外爲之 杖 九升布帶視其冠亦當九升是未然攷下記齊衰 **次不杖期章後也** 氏培量日齊衰無受者日月雖少而服重於功 也 錫恭案喪之服有八衰裳二 期而下叉去其杖矣經所未著者冠與布帶及 耳或以前章為正服此章為義服則此章冠當 /瘦服八 紅已著於經矣自不 引錫維恭 一求如恋

服冠 冠 服 豬氏云亦冠布纓布帶也叉升數之異非因! 母不當爲義服亦宜衰五升冠八升是此章亦 正服也又前章言異於杖期者而不及短帶則亦 不皆無受而前章亦有義服也李寶之日曾祖 布纓布帶也而此章兼有正服義服如前章故 升然後總承之云亦以其冠爲受是義服 云齊衰正服五升其冠八升義服六升 服義服而別也前章正服冠八 布帶視之也吾因而知此章冠及布 布帶視之此章亦當正服冠 ,異章

傳曰寄公者何也失地之君也何以 奇公為所寓注寓亦寄也為所寄之國君服 月也言與民同也注諸侯五月而葬而服齊衰三月 月而藏其服至葬又反服之旣葬而除之 釋文所寓音遇寄也 式微 亦不言故注引小記繩玃以補之也 同前章 /要服 所固 服 放以 次未必合理基據此條 侯寓于衛 **履有麻與繩** 2俟再考 言寓 為所寓服 四求恕

歸是失地之君爲衞侯服齊衰三月衞侯當爲所侯寓於衞彼爲狄人所迫逐寄在衞黎之臣子勸 寄也作文之勢不可重言寄公為所寄故云寓 各有國土而寄在他國故發問也失地之君也答醉 也失地君者謂若禮記射義貢士不得其人數有 藏其服至葬更服葬訖乃除也云言與民同也 數有讓點舒削地削地盡君則寄在他國詩式微黎 名在主國得主君之恩故報主君與民同則民亦 之三月藏其服至葬又反服之旣葬訖乃除也 依上 |例執所不知稱者何問比例者等是諸侯

寄公已失國則異於諸侯又寓於他邦之地則不 章育言之欲就三月之下解之故也 敖氏繼公曰經傳不見諸侯相爲服之禮是無服 與民同 李氏如圭曰郊特牲曰請侯不臣寫公故服所寓 同 **通典雷次宗曰既來受其惠宜敬於所託故與眾**。 不為其君服然非臣也故但齊衰三月而與民同鼓 三月故知三月膨胀至葬更服葬後乃除可知不於 以釋變除場樣 見通要待葬後諸侯五月葬而言 ण 也

蔡氏德晉日案郭仲與關先王盛世何得有寄公 除 葢衰世之禮其說近是而未盡也葢封建肇 之案 爲 民之辟日 注 氏彤曰注 益本 緩 國至周初止於八百國而已則其間失國而 小記 葬而 夏商冶飢不 此 **服除者言則服除於葬之先者亦** 爲兄弟既除喪已 月而藏其服 矣非夫止 何也爲於 故禹會諸侯於塗山 至葬 以信天 及其葬也反服其服 又更服之 衰說意特

旣

葬

乎内除图

之君

一於黃

此

檪

王

姬 為義皆荀子所謂未知其所由來者前代久有成規 制度虞耆已耆如喪三載檀弓亦云古者不降爲 寄公者必多而寄公為所寓之 有侵併之事而爲失國之君制所寓之 鄭氏珍曰或曰周公之時諸侯新建大小相維 之制禮非用於 為後 公因定爲周典耳若封建之世及其陵遲兼弱 |喪服 大禹塗山伊尹獻令晚季存者當類春 固削 地而失 時寄公爲所寓之服旣合於理 固宜存之於經而不削也關氏 君服其由來舊矣 服何日 八水恕森

君則以客禮待之喪大記君之喪未小斂爲寄公 因 出君拜奇公國實於位夫人為寄公夫人出夫 之非明徵與聖人立法要周常變此非所致疑 **,婦人為宗子宗子之母妻注婦人女子子在室及** 氏士讓日条與民同亦符公自處然爾其所寓之 拜寄公夫人於堂上是也 | 義也宗子之母在則不爲宗子之妻服也 如 也宗子繼別之後百世不遷所謂大宗 **服齊衰三月也尊祖也** 齊 地也歷爽鳩季萴伯陵浦 尊旭故敬宗敬宗 站而後太 也

宗有四是也有百世不遷之宗繼別爲大宗是也云 記及大傳云繼別為大宗又云有 五世則遷之宗小 為大宗疏者三月也云宗子繼別之後者案喪服 父室者又不杖章中歸宗婦人爲當家小宗親者期 **旭之人皆服三月也案斬章女子子在室及女反在** 傳以丈夫婦人與宗子服絕而越大功小功與曾祖 夫婦人者謂同宗男子女子皆爲大宗子井宗子母 妻齊衰三月也 謂大宗也者即上文大宗者尊之統是也 此與大宗凬宗親如寄公爲所寓故次在此言 ■/喪服八 注 此經為宗子謂與大宗別高 七块恕賣 傳

敬之云敬宗者尊虺之義也者以宗子牽事別子之 祭之日同宗皆來陪位及助祭故云尊祖也云尊祖 同恠其大重故問比例何以服齊衰三月云尊雅也 之事不與則毋七十亦不與今宗子毋在未年七十 故敬宗者是百世不遷之宗大宗者尊之統故同宗 至之義也答解也祖謂別子爲廂百世不遷之祖當 也者謂宗子父已卒宗子主其祭王制云八十齊喪 **離是尊離之義也宗子之母在則不爲宗子之妻服** 子妻得與祭宗人乃為宗子妻服故云然也雖說非 毋自與祭毋死宗人為之服宗子毋七十已上則宗

乙服也 **雷通考引作者因敬宗以致尊祖之心** 妻 通典馬融曰丈夫婦人謂 雷次宗日言尊祖故敬宗明祖已殁也無由施於尊 母妻亦燕食族人 李氏如圭曰宗子有君族之道故族入皆爲齊衰 王蕭曰此謂族人無復五屬者反爲其宗子服也 必為宗子母妻服者以宗子燕食族 在五屬之內則三月之後自以本服終之宗子 喪服八 八之婦於房皆序以昭穆故族入爲 族男女皆為宗子母與 八球胞瘤

服 敖 不也以於此承 配宗子不 雖七十無無主婦義由于此 母妻統族人之婦故族人亦為之服曾子問 氏繼公日別子為祖繼別為宗祖者已之所自 之重本也然其尊祖之誠 其為別子之後者乃所以尊別子也故 則 記於 此 孤 宗言他妻李 爲 子宗故然又則 同不在子浸宗人 於尊爲母則子 他而妻在姑母 為 無 之 不禪得老在 由自盡故於敬宗 傳 而得者為宗雖 服 無 禪爲妻子不 孤 爲 異故妻禪之爲 於特本錫妻宗 他記禪恭收子

爲 卒族人亦不為此服葢其毋尙 之事故傳言之宗子之母在則不爲宗子之妻服 節 謂族人於宗子之妻其服與否惟以母之在不 孤 宗者尊祖之義也此爲宗子 則宗子之母雖老而妻代主家事若先其母 死 / 返报 宗歸姓女 族 正 道宗來子義 也而婦子 也者 不以宗子服之 者也去T 即錫 賈恭 疏案 異姓宗 婦親之 調 母年 在故也此義與宗 者意實相 地婦 是以舅殁則姑老 而也 何以服 母 妻服皆敬 類 九求恕齊 宗 宗 宗 宗 子 云 人 又 與祭

嫡 存 孫叉若為宗子母服則 纔總麻近 孫為後而其母尚存元孫之婦猶為庶不得傳 相發明 『祖高祖父母持重妻從服議』、ジューン五馬則不為妻服 口假使元 小與祭 當在 輕遠重情實有疑認答日有嫡子 孫爲後元孫之婦從服期曾孫之 矣雖老固嘗為主祭之人而禮 至於雅服自以 姑矣宋庾蔚之謂舅殁則姑 不服宗子婦以此推之 一條云孔瑚問 杜 氏通典有夫 婦

猶使之 年七十或未七十為與祭不與祭之分因以別為 故宗子之母在則不爲宗子之妻服也賈疏以姑 則日冢婦所祭祀賓客毎事必請於姑是姑雖 則站老是授祭事於冢婦孰授之 何服與否之 與祭而祭祀之重尙在姑冢婦但攝其禮而 子之妻服與否夫傳明日母在 原注有云故 /喪服 主祭 有乎其說 ,孰使之姑使之 故以原知 注又 有 主婦主 之黄 | 注 也庾氏蔚之日舅授 顧氏駁之 ) 姑授之也故 則不為妻服尙

敬也 妻之義也此服因宗而生不因嫂 盛氏世佐日族人為宗子之母妻 宗子之毋妻婦人於宗子雖或有在嫂叔之倫者 鉄通 此考 也所以然者以宗子傳先祖之重祖宜尊故宗宜 氏寅亮日尊祖故敬宗以曾高之 誰為之亞獻乎此顧氏千慮一失也今未錄秦氏子亦從子之一端段令子幼未昬而母不亞獻將 子亦從子之一端叚令子幼未昬而母不亞獻 語亦不 亞子故老而傳事竊以為夫死從子母亞於 服猶臣服君 叔而生故丈夫 服服宗子是敬

服 程 章女子 在室者若異 外 舅姑 氏瑶 必有歸宗之 氏廷 田丁 期年 華 子適 於敖 服 宗說子是 夫之 丈 宗 姓 人者為昆弟之為父後者傳婦 夫婦 服 婦 說 婦 加父母大 人以路 獨厚之 則嫁卽不反亦齊衰三 人者 必與男同 人並 敖其嫂す 兼 說釋叔夫 同 指 巴 而經之 來與夫牌人 功於 不婦列 同姓者言故謂婦 嫁未嫁者言 辨人者於 則兼則宗 合其從 月 也 猶姓之 未 盡婦恭 在 杖 也故案妻 服 爲

女一邊有已嫁者在內叉不可言男子女子故以男 女之服者在室及已嫁亦皆不殊賈疏為姪條云言 女之美名稱之見同宗服宗子姑服姪姪服姑姊妹 之子服從母從母服姊妹之子皆男女不殊又以見 功章姪丈夫婦人報殤小功章爲姪庶孫丈夫婦 之丈夫婦人者文不屬所生則不可言子女子子 之長殤小功章從毋丈夫婦 人見嫁出言丈夫亦見長大之稱未通攷經例 珍日案 注此婦人必加歸宗二字者所以明嫁女服 丈夫婦人者對稱男女之美名 人報與此凡 四條必 也 經

降若此婦 미 产婦 祖 絕屬者服大宗所以尊祖也謂適 在室女子其適 四言丈夫婦 人從夫服 經 屬之女子子在室 人內有宗婦是服夫黨與 凡 三以丈夫婦人建文少 夫黨例降一等夫旣 小功章丈夫婦 人同不宜此婦 從 及宗婦 服夫女子適 夫同於經 如此 更恢 而斯 十一块地心像 即不 月則 則 是 例

算於記注中則為宗子服者無遺義矣 非典注誼相成乎疏以與大宗別高祖 何也經云無受自非有期功之親者故云無復 與鄭誼立異而通典載此經肅說巨 復五屬者 恭案鄭君 小功之服則盆悖矣 然此主言五屬外者 意與肅 說同通典又載杜 於此經順木文作注 反為其宗子服也則正與注誼相 隨其親 則言 為限層 預說宗子 外別有五屬 則為之齊 此 死皆 内 謂

也 不而致仕者也為小君服者恩深於民 何以服齊衰三月也言與民同也君之 疏 君君之母妻傳曰爲舊君者孰謂也仕爲而 舊 仕馬而已者謂老君有廢 絶 與鄭館立異者不過近儒二 君立異者而為說如此可見前儒多從鄭誼也其 **|君舊蒙恩深以對於父今雖退歸田野不忘 次在宗子之下也但爲舊君有二** 七十七条元 為服判然其意大同於 / 喪服八 凱雖不言 疾錫赤案君當 三三家今不備 親香受服然親 鄭君元凱亦喜與鄭 一母妻! 則致仕一 三水松煮 (則小) 辨

為舊君有二故發問云孰謂也云仕焉而已者也 如君 舊君若斬章云父君者則臣子為之此不復言臣法 若云舊臣言謂舊君為之言惟嫌非喪服體例故云 **抑之使與民同也云君之母妻** 則待放未去此則致仕者也不云舊臣而云舊君 月也云言與民同也者以本義合且今義已斷 辭也傳意以下爲舊君是待放之臣以此爲致仕 臣也云何以服齊衰三月者恠其舊服斬衰今服 同時皆是小君故齊衰三月恩深於人故也 也 傳 云為舊君者孰謂 也者此經上下臣 則小君也者雖前

通典陳詮曰仕爲者凡仕者而已者致仕也 之中有二也云爲小君服者恩深於民也者下文庶 仕云有廢疾者謂未七十而有廢疾亦致仕是致 宣答云夫禮 此解仕爲而已有仕已老者曲禮云大夫七十 叉咸康末殷泉源問天子諸侯臣致仕服有同異范 叉雷次宗日身既反昔服亦同人葢謙遠之情 **八為國君無小君是恩淺此為小君是恩深於民** 道也然恩紀內結實異餘人故爰及母妻也 仕 /喪服 爲而已 制殘缺天子之典多不全具唯國君之 | 者謂老若有廢疾而致仕者也 古水恕 III)

體往往有之臣之致仕則爲舊君齏縗三月天子之 **違案射等並以凡才著蒙樂飾或濯纓淸波不** 厭降之文令有去官從本官之品典律並愆軌 御史喻希表彈其失禮博士孔恢等議云禮無解 奉之與主者無殊矣何以明之公羊傳曰以諸侯踰 叉穆帝崩前尚書郎曹躭等奔赴皆服齋縗治書 臣則亦然矣天子之與國君雖名號差異至於臣 服之制同矣 稱 稱即位亦知天子之踰年稱即位以天子三年 王亦知諸侯於其封內三年稱子比例如此 訓 則

旣 服齋縗哭臨殿庭踰月厯旬外內監司莫之或譏 喪 冝爲費君 一梓宫 等 不同 稱其服哭輕則服不得重據令去職之臣朔望 **튖注居職者朝夕臨去職者朔望臨禮哭泣之** 絕朝見旣替葢以疎賤於親貴故降其制也 ·所 不原於制遂使親疏貴賤無有等差曾参欲勿 |將幸山陵諸官來赴 臢 自同線人 喪服 臣爲君斬粮仕爲而 除官曹躭上表自理曰臣聞君 服齎粮是以臣前率而行之 、愆義違則虧贖王猷 服斬者多此皆意存 已爲舊 不敢有加 ||君癱狼虧 五水如齊 喪之醴 節 國

除父母之喪仲尼患其過制今去官者服在官者之 服固為過制非聖哲所許而不推古今正禮難臣若 難者有證臣對無據甘受違制 爲而已者鄭注口仕爲而已謂老若廢疾而致仕 通典晉虞喜議云或問曰喪服經傳爲舊君謂 淪罔同人伍不淪臣道齋粮三月可也老而致 **秀也今致仕與廢疾理得同不喜正之日廢疾沈** 致仕不得自问於臣雷氏女宗以為謙違之情。 爲而已者謂旣仕而去義同人伍耳錫恭案旣已 禮旣全恩紀無替自應三年不得三月傳言化

**稱謂與庶人** 賤也条士相見禮 在 李氏如圭 敖氏繼公日在國 大夫士同之 臣在野則日草莽之臣宅者謂致仕者也孟子 國日市井之臣在野日草莽之臣皆 罪罷去者全與庶人為國君同并不敢服小君 躭以為疏賤於親貴得其旨矣虞氏說非其 一日仕馬 /喪服八 IE 同故其服亦同也錫恭案惟 凡自稱于君宅者在邦則归市 而已則釋斬服齊者別親疏明貴 而云舊君者明其不見爲臣也此 叉曰此嘗仕矣今又在國其服宜 也

異 矣 顧 同 以同於 卿 氏炎武曰與民同者為其君齊衰三月也不與 於 者君之母妻 見恭也拜 而 夫有見 民 恩案 深此 不嫌其與民同也然叉爲小君 而 見為臣者 乃亦齊衰三月者葢不在其位則不宜 民者 小君之 君臣之恩惟此及斬 民 亦服 則 而臣於君 服而 禮 叉君 女如 復成公 夫人命之是以 叉無期服 者 九年 公享之 服個 服則亦異 爲 放但齊 姜 服 出如 也 服 古 斬 服房致之

鄭 可通樣 惠 子國 服 治言謂7 常 氏培 斬則與民 珍 可以賅 都 雜 服 暈 君 致 쾣 記云遠諸侯之大 為 臣 則 日 服 變 有地之君兼 傳 同 丽 盡 母 E 因 妻 臣 進 亦 夫月诸 爲 退以禮 爲 天 也 君 夫 疾然老 諸 爲君斬上 斬斬 似 記故 反服違 衰 侯 服 内亦為兼衰 專指 章 及 也 隱身要不 . 錫 疾 大 頭 起求 當指期之當 君言 是 國則 2不外 其 張 常 也夫仕兼君天指稱 諸 亦

襄治 败 便 服 廢文 疾 斬衰之章有正有義今已致仕是君臣之義 同於 服 更禮 三年 始四年 族 氏曙曰宋 道 爲仕 制 也反是則不異於齊民矣况君臣本以義 年者厲在位之臣 民 此似合於義不知致仕之臣所以不欲 仕已 臣錫 似柳進恭 始 以尚書何旗奏始依古典論曰後 而先王之精義亡矣如致仕之臣爲舊 知在朝之臣所以 **書禮志魏世或爲** 未下退 該惠不 吳三节為 說點徵吳 丽 如可嫌氏 此見細紋 抑致仕之臣也 高虧厚蘇者 舊君服三 聚也故說 吳鄭則而 所注奉發 一年者 伸以而氏 為其 世 注老退 令 以意 至置 也與如古 致

喻希表彈其失禮曹躭自理曰國喪儀注居職者 盡 今 夕 穆 心 於其反初服之時 帝崩尙書郎曹躭等奔赴皆服齊衰治書侍御 服傳日爲舊君孰謂也仕爲而已者也何以服 臨去職者朔望臨今去官者服在官之服固爲過 非聖喆所許此後世為舊君不服三年之證是以 服此者示其謙遠之情不敢與廷臣抗行耳昔 同者故為小君有服是恩深於民也在舊臣亦甘 已無位而不得上同於卿大夫矣然又不能與民 月也言與民同也君之母妻則小君也古典固 /喪服八 其制 而同於民民者無位之稱 史 朝

庶 畿内之民服天子亦如之 人為國君注不言民而言庶人庶人或有在官者 疏案論語云民可使由之不可使知之注云民者冥 也其見人道遠案王制云庶人在官者其祿以是爲 亦 而 文圻內巨衣反本又作畿同廬 也庶人謂府史胥徒經不言民而言庶人庶人 承魏世之誤而發此議揆之喪服禮意乖矣 致仕臣醴旣全恩紀無替自應三年不得三月此 廢疾沈淪罔同人伍不淪臣道齊衰三月可也老 是矣奈何至魏而易之晉人猶有持此議者虞喜 本折作機 注

同於民說成立盡在官也不在 民喪三月何民賤而王貴故三月而已禮不下庶 白虎通禮庶人爲國君服齊衰三月王者崩京師之 子亦如諸侯之境內也 民皆服君三月則畿內干里是專屬天子故知為 **亦如之者以其畿外上公五百里侯四百里已下** 有在自者據在官者而言之檀弓云君之喪諸達 之長杖謂士大夫爲君 於民三月也 /喪服 何禮不下庶人者尊卑制度也服者恩 有民 矣非云天子畿內之 在官者言或有則民與在官者之通 不爲君杖斬 **丸**| 状 恕 無

通典馬融! 民三月不服斬也故言或以包之敖氏誤會注意乃 服 方氏苞日 者如三除公先 從 **蜀**章取義 锡恭案此 而言庶人之義言民之中即有在官庶人亦 服此月之爲葬 氏寅亮曰注云庶人或有在官者言或解經 以則故鄭所三 表先藏君寓月 哀葬服意注成 發 故為 日國君者以明大夫君則臣有服 日眾人為國君服 有三待所云齊 先月葬寓 重而也者月期 也 後成奇諸而月侯白 輕服公侯藏以五虎 **耆鄭同也服成月通** 有不則五叉君者天 先取民月更也則子 而所如寄之恭始月 而 後以之公旣案哭而 重不鄭服葬上素葬 民 無 同 也取誼止而寄服諸

爲辨正 胡氏培暈日此服男女同之 乎是教之爲亂民也此等關係名教匪細不可不 君而子弟不君其君者乎而父兄亦竟晏然聽之已 若是恝乎又謂非當家者不服尤謬寗有父兄君其 **云非在官者不服謬也夫服疇食德緊誰之賜乃竟** 該男女皆爲其君齊衰三月也又檀弓云王者崩 往來猶民也夫傳言與民同注言猶民則可見民 妻言與民同也注曰古者大夫不外取其妻歸宗 錫恭案下經大夫在外其妻長子爲舊國君傳 /喪服八 干球燃度

族爲一 服其誼又同條共貫也胡氏之說是矣敖繼公亦 君治國為 云庶人 **圻內之民而諸侯境內之民同之此叉民該男** 確證也又上經云丈夫婦人爲宗子夫宗子收 日國中男女服注云國中男女庶人彼言 為國 族之主故族中丈夫婦人皆為宗子服 此 服夫妻同之然不云男女而云夫妻者 為專指在官者而在官者無婦人也則 國之君故國中丈夫婦人皆爲國 者惟在官者之妻耳故不曰男女

分與臣異不可服斬叉不可以輕服服君也 君畿内士 服天子何其國之君已至尊天子則至尊之至, 氏珍曰經出諸侯為天子斬衰諸侯之 不敢服故不服然則畿內士民何以服天子人 臣固服斯也此經已關畿內之民詩言王國 衰則諸侯國之士民不服天子矣侯國之士民 一民舍天子别無君故服天子若士 國自畿內庶人言之天子固其國君 與民同則齊衰三 日國中男女服所謂國中即畿 月乃庶人本服 大夫為天 一則天

無地地甚 故 也 又 日疏 服 稱為 服之期是 服受朱之 注 也庶大素 明 調 君庶民有居公 而斬 斷 所包 卿大 此衰 此 · 台庶人不服也封畿市大而服其國君故此經 一居宋地者要皆天子等 一時不地者要皆天子等 余以四 **天君 主** 子注 **為** 不得 經 搽 游侯屋作 製 校 之 彼 君 教 之 被 君 教 之 被 表 教 之 被 表 教 之 。 ·國上經之君 · 地 敖 見馬甚 氏 ||天子諸侯之| 天此錫 因 疏 經 說 卿諸明案 非 國 在內 經 地

也 通 典石渠禮曰諸侯之大夫 國君 也 服 國君故止言舊君也 大夫為舊君文 未聞其爲國君也 何 時接見於 戴 不當 何 也聞 對 服 為國君也聞人 日諸侯之大夫 論與 既主大夫自 在 外故言 、子故既葬除之大夫之 叉問庶人 經 、通漢對 舊 為 天子大 是服天子諸 夫在 為天子當 國以别 尚有 外其妻 在外之 國

見義 制 從庶人爲國君三月服然則王 子故服今諸侯大夫臣亦有時接見於諸侯不聖 陳氏立日大夫之臣爲諸侯服通典引石 見亦非接見也侍耶臣臨聞人通漢等皆以爲有接 乃非常也不得為接見至於大夫有年獻於君君 **归諸俟大夫臣無接見諸侯義諸侯有時使臣奉賀** 日從庶人服是也又問日諸侯大夫以時接見 一齒是庶人在官也當從庶人之爲國君三月報 亦宜從庶人為國君之服矣與人為 近内 食米 禮論 爲

夫在外其妻長子為舊國君注在民與小君無服也吳氏說是服者恩深於民是鄭君之意謂 也春秋傳 妻雖從夫 吳 如 服 氏紱 為國 **預**陪 也臣 服齊衰三月也妻言與民同也長 以無 |君服齊衰||三月矣 白庶 於庶人從為國君則內外宗女嫁於庶人 /喪服八 而出古者大夫不外娶婦人歸宗往來 服 大夫越竟逆女非禮君臣有合離之 人爲君之 配外宗為君夫 一母妻. 無服錫恭 人猶內宗也往日 外待放已去 言未去 **三水松** 者 也

也誤 尊卑不敵若然其君尊卑敵乃反服舊君服 世是以直言其妻長子為舊國君注云在外待世儒多言疏誤然疏誤在修詞偏重而於禮例也錫恭案疏言如此言外見尊卑敵者當反服 **撑諸侯之大夫不反服邍大夫之諸侯不反服** 疏 身是已去他國與本國絕者故鄭云待放已去 者 已去他國不言服者是其君尊卑 此大夫在 文越竟育 知是待放 下傳 外不言為本君服 已去者對上下文 云而猶水絕此傳云長子言未 而知以其上 服 不敵 則此 反 放 服 **汶** 固也 己 不近

當不服矣而皆服衰三月寶氏 傳云妻言與民同之意以古者 歸宗往來猶是本國之民其歸者則期章云爲昆弟 夫之子得行大夫禮從父而服 婦是當國之女今身與妻俱出他國大夫雖絕而妻 世 為父後者日小宗者是也云春秋者案春秋公羊 **云妻雖從夫而出古者大夫不外娶者鄭欲解** )絕妻不合服而服之長子本爲君斬者亦 一十七年莒皇 |喪服||八 并服 而問者恠其重何者妻本從夫服 **受來逆叔姬傳曰大夫越竟逆婦** 之今父已絕於君亦 脫齊字故發問也 不外娶是當國娶婦 西求恕

義則離子旣隨父故去可以無服矣 離之義者謂諫諍從臣是有義則合 去君不絕其廠位使其嫡子奉其宗廟言長子者重 通典漢石渠禮議戴聖曰大夫在外者三諫不從 **五女引之者證古者大夫不外娶之事云君臣有** 之遺體也大夫在外不 非彼云婦此云女鄭以義言之以其未至夫家故 子也承宗廟宜以長子為文蕭大傅曰長子者先 在故言長子謂待放者入夫在人 去廟待恭 得則未放案 親 去者此祭 者也與故 以 重 三諫不從是無 者 為文 皆复

從 被篇也出然先 非 則 《崇氏》 罪之 、則妻宜 夫去適他 **晋賀** 爲之故里後於 本國之 服也長子有服 龍云宗收其 重其子尚 問日舊穣 喪服 無服 女也雖從夫 案鄭注喪服 此 國 便為 而猶三月者古者 可以留 去君有則前 謂未去者也循 也自之不此 而出婦 云 别也收不去 適 値君薨則服 戴其收者 氏田其也 凡妻從夫 外其妻司 人歸宗往來猶 聖里田 所即里 降 以 掃也 爲以道 本 長 不外 也 等夫· 子爲舊 國絕矣妻 **垂 水 恕 鹰** 娶其妻 宴謂所反 故

從夫當爲後 外可 恩 之于 謬層 孔 適 者證 重 者 氏穎達檀 國恭 君 秦 语 语 長子未去固從庶 如主 者 服舊國君 子為君得服士 日長子言未去 写正義 君 服舊寍以為 與大夫 法 意 者 者 去 表 表 表 服 三諫不 (嫌大夫) 人之 此者未 同經欲明大夫長 則妻已去矣竭恭案 從以禮去者若 服而特著之者以 人乎以 與 鄭爲 已去猶爲君 若 君舊 誼君 為宜與長子未 合則 者經 也 反服錫赤 斬 爲 也稱 有條 也 听此 夫 涫語

服 服之 萬 來猶之在 則上下の 在 知 廷 斯同日 民 也 已去則皆不服 華 國而 也 喪服 推已則 為舊君一 經 而 服 此條大夫既放 其妻長子 其國也惟猶之在 其國故 子未去固在其 國妻雖已 育耳大夫之庶子士之子未去則 互見 一條其妻與長 惟猶之 上下條 者肯當參 於國力 故 日舊君 考下錫 與庶 时 字皆 知 **鄭君云猶** 去而歸宗 ·猶爲舊 服 爲 日舊國 **美** 東 恕 奮 齊 亚 衰 君之 國 君 庶

君妻長っ 沈 所其亦若當不 胡氏培量曰此條主言大夫之妻長子服故不言 在外立文也 《恩有服 氏 宜常 通 服傳 有非得義違以 形日不直言舊君而言 戴 雜記 子同於民則亦當稱國君也舊國君據 經於絕夫尊 亦不言之至 調 周則及卑 所 鄭 中雖之不 云 存所大敵 反 元注 奚仕夫不 服 喪服 大夫恩 此之者反 是 是君胡服 也 舊 想尊氏者在錫 恩 教卑說也外恭 義 不通 國君以 何者 **於敵馬然不案** 未 壞亦長經言賈 媥 後不准旣為疏 在 庶 事服胡云本云 外 經其氏大君此 亦 者妻又夫服大 服 稱 道子云不與夫 齊 國

俱在三月葢其義也鄭昕答日案禮妻爲周 明夫旣去位妻便與入同耳錫恭案此破注 故言與人同則出國無服可知也所以别言之 大夫於君 則 故出 宗之誼 三月今夫雖在外妻尙未去恐或者嫌猶宜 **平若果宜兩服夫錫恭集夫** /喪服 嫁則降父 也 由歸宗而然也丈夫 爲昆弟之爲父後宗之義鄭氏私笺 之母妻本有齌斬之殊乃仕爲而 ス 夫婦人之 丽 服夫 道父母 何至爲人去 在 則歸 為宗子 祀 衛父母 國乃 ませい。 見將 大宗告 往 則 周 謂

服 服 歸宗於其家則為宗子服歸宗於其 服 故 此 此禮之通例而注之精義也若如鄭氏 從 則服 君者從服也其爲舊國君者乃尊尊之 有歸宗而 婦 月國中男女為國君亦齊衰三月婦 從夫而 服 國君 人為宗子係父母家之宗子則為 也宗子與國君尊 國不服是宗子以有歸宗 不至兼服二 出其夫未仕則妻 不服非禮之通例也 君 也其夫若 尊之 (不服新) 服非從夫 又婦人爲夫家 而爲 仕則妻 國 國君 則爲 國 斯說· 遭 君 服 爲 服 國 國 비

服斬妻服期去位則皆為齊衰三月而已又爲 敖 得 謂角一 若 繼公說此承庶人之 雖去國 云舊國 是則在 喪服 尊也 而於己服之外妻 君明妻子 國 國 「國則夫妻亦不服之矣錫恭案 則 可知大夫在位與其長子俱爲 不服其母妻也士之異於 此長子未 亦在 庶人 亦非 外也大夫於舊君 故 但據 子叉為之服也 爲專指在官 也 民服 妻與長 恩 此 國

雖深 服 也 妻 來 去則服 從 服者將 謂致仕 、夫豈有加於齊衰 民也長了 已去則不服 舊 何服 君恩淺 子亦非從 有服 而妻子從 乎以是知妻非從 也由 也 也 叉 派服以士之 恩深 服也為民 一月乎夫 國 服也 (服齊衰) 者子典 服 在 也為 外 爲 君 歸 民 服

已矣 娶而士容有外娶也此經於在外者之妻所以必 繼公駁傳日 之錫恭案春秋傳大夫越竟逆女非禮而士昏禮 敖說殊謬其爲此說承士若去國身與妻子皆 在外者妻與長子亦宜然也何必大夫乎傳似失 **云若異邦則贈丈夫送者以束錦是唯大夫不外** 一若去國夫妻皆不服之說其謬總出於 一大夫也至長子必言大夫之故李寶之說詳矣 來也前條已具辨之 / 喪服八 **[其爲服之意若** 但如是而已則士 **元**录 忽 齊

繼 父 堂云妻與民同者惟未去故也鄭注亦當備固亦 錫恭又案 讀注者也 有從夫而歸宗往來者析未去於注外猶 去者固民雖從夫而出而 又案其妻猶民其長子未去亦猶民故皆爲舊日 服惟天子諸侯有庶人爲國君服大夫采 則期章云必嘗同居然後為異居者也但章皆 、服然則大夫之臣違其妻長子不服舊 ·玩注中雖字固已兼未去者說若日未 同居今不 往 6 來歸宗猶民也沈 非細 地之 君 國

今母後夫亡欲制繼父服不知可否人間 通典大唐聖麻元年太子左庶子王方慶嘗書問 子文學徐堅日女子年幼小而早孤其母貧宴 於寄公與上 **於服紀有何等差前代通儒若爲議論堅答** 不言也 人所適亦無 經繼 /喪服八 適人爲後夫之鞠養及長出嫁不復 下舊君釋訖繼父已於期章釋| 父同居殯縗周謂子無大功之親與之 國君及 行財 為之築 (其庶· 此例甚 了是以 同 能

此則自 未嘗! 極豈宜 禮 禮經之正說也至於馬融 也 宮廟歲時使之 築宮廟者於家之門外神 在生也實賴其長育及其 服 更無異文唯傅元著書以爲父無可繼之理 此禮焚書之後俗儒妄造也袁準作論亦以 同居即 制父也亂名之大者竊 靦貌繼以 母託命他宗本族無 不服 記馬者也鄭元日大功之親同財 也小戴禮記繼父服並有明文 王肅賀循等並稱大 死也頓同之行路重 養之人因 不歆非族 以父猶一 也以恩 天也 託得存其 愛敬 服 不當 儒 斯 爲

考引作畢 戴德喪服記日女子子適 故袁傅之駁不可爲同居者施爲昔朋友之死 Z 生: 服宜依正禮錫恭案此上難 要並制緦麻詳諸經典 丽 **今女子母攜重適** 輕其 而出嫁始 同居異居爾赫案 死為其始而薄其終稱情立文豈應 與築宮立廟無異焉葢有繼父之道 不同居此則笄總之僕無不必備錫 人寄養他 八郎異居也不分別同居里不繼父雖仍同財未有主命也人者爲繼父服療殺三日 比之 其繼嗣此下乃 於 門所適慈流情均膝 此葢亦 何嫌 服繼父與 **三求松齋** 論丈 女夫 糙 同 如 也

敖氏繼 居正 等為大功乃服此 也繼父於 同 氏敬! 子同居異居皆不爲服知 不同居謂繼 爲繼公 同 服者 父同居者 深故爲齊衰一 爲章 正敖以 恩同於父不敢以卑服 微有參差 於卑 而爲異居者不降 者也 則徐氏所答 為服 同之錫 服恭 表前夫之 

隨母之子有兄弟及堂 非也以為 云隨母之子雖與繼父同居而繼父或有親子 亦爲先同而後異別 親者引喪服小記 随母以適 引徐 即兩有大 氏非 |兄弟爲主後也 **自為注錫恭案後** 則為繼 曰有主後者 一親與子 雖與同 同居 為異居 滅厥後 功

曾祖父母傳 言子無大功之親舉疏以包親也言大功而期親 以見第之 知也如徐氏駿所云堂兄弟者非世父叔父之子 在其中矣隨母之子始無大功之親則無期親 知子始無大功親者後不得有也是以鄭君 記有主後但言繼父有子也而徐氏駿增隨母 子有兄弟及堂兄弟堂兄弟且不得有况兄弟乎 不察甚矣健庵取之以爲義亦明晰不察尤甚矣 服服至尊也注正言小功者服之 則無世父叔父而堂兄弟安從有平故 齊衰三月也 山小功者 兄弟之服 解 口

孫陪相貫皆有小功之差則曾孫元孫爲之服同言曾孫元皆有小功之差則曾孫元孫爲之服同 其衰麻尊尊也減其日月恩殺也 功高 高祖之孫則高祖有服明矣是以此注亦兼曾高 說也若然此曾祖之內合有高祖可知不言者! 疏曾高本合小功加至齊衰故次繼父之下此經 釋文恩殺所界反 云曾祖不言高祖案下緦麻章鄭茳云族渢父者亦 同服故也 則高祖宜總麻曾祖宜小功 祖宣小功也高祖曾祖河郊日 // 廋服八 傅 何以齊衰三月也者問者恠其 先曾通高 削曾 要求を H 祖宜

服齊衰之意也 在天地之中莫不更始爲以是象之也彼又云然則 兄弟之服也云不敢以兄弟之服服至尊也者傳釋 也案下記傳云凡小功已下為兄弟是以云小功者 本為父母加隆至三年故以父爲本而上殺下殺也 何以三年也曰加隆焉爾也爲使倍之故再期也是 也據爲父期而言故三年問云何以至期也日至親 五者自斬至總是也云則高離宜總麻曾祖宜小功 三月大輕齊衰叉重故發問也云小功者兄弟之服 與斯是何也曰天地則已易矣四時則已變矣其 注 云正言小功者服之數盡於

宜 阮典祖與 **祖皆有小功之差此鄭揔釋傳云** 中含 旣兼 小功高祖宜總麻叉云據祖期是爲父加隆 記所不通 祖宜 故言為高祖紀 云重其衰麻尊尊也者旣不以兄弟之 須引得典 |其衰麻謂 |期曾祖宜大功高祖宜 /瘦服八 會也此引 曾 祖是以云 高 先注 曾合後錫 云則曾孫 궲 麻者謂爲父期爲祖宜 高恭 逐案 而言 曾孫元孫各為之齊衰 元孫爲之 之 也 小功 疏述依他 所注單本 故鄭云高祖曾 功者 服 據亦疏曾 同 本高勘作同祖記高 服 也者曾 大功曾祖 服 弟 歪 於後云 年

見服 月爲 過媒例故言之 氏繼公日曾猶 前辨 氏 所計於不而易也服 氏 族 以錫大可此之錫大機 親 如 也 尊 圭 者" 此尊 記 稱秦且也於大案以 因 工專叉大功此下 减 者也云 |僧高 以爲謂功以與皆 其日月春 小 故 文思尊日之下傳是 功以 重 島殺者月親攻立也 也 得而之雖未兄異小 謂 不敢 於 减 以其 爲 非 其 成服城有弟也功 祖 減 日 不其是於稱與傳者 之 兄 五 弟 體 服 月 計日以小兄昆日據 與 恩 服 爲 恩 功弟弟小當 曾 己同 殺 殺 不且月而者别功爲 月也 궲 故 也 者 出 也 也 從波多麻說喪下祖 也 調 於 也而算之不服爲之日敖 曾 减 弟 域有屬知有兄本兄氏 所實何此弟服弟又

則 五 禮 高 凮 稱情 月 高曾等 同 氏 币 高 苞日 無 反 功 父母計 遺 以立文之 自自 旭 可 喪 重而 殺 祖祖 其正體者也服之有差所以責其誠 買 Ξ 服 服不 服 云義 **文舊** 也 八 母服 丽 恩亦未見其有差也後世易曾 何 齊齊 棄妻 義 服六 11 正 例以小 及高 服 也 知 貞錫 其非無 袓 月月觀恭 功 服 衰 IE 何 服 緦 也 故 麻 同義 升 **祖加四僕 服也未有旁服** 奥 冠案 自 祖 功以 本 也 同 歪 篇 -也 求规 尊 題 達 何 旭 父 開奏 積 爲 疏 知

服 精月服服以恩服功 而 服 期 氏 而而之與月疏至加 非 遂 並 中 親筠 義 非 而 實葬重年數而尊 誤為矢月之顧故等 也 義 本 加 疏 不節錫各降加又則與沈服 服 爲 與 將 可也恭加除二加爲齊氏 故一亦 年 以沈粲一衰等一大衰又 無說經等服不等功之云 祖 財 得本 辨似言者之可而大加曾知 爲 氏 Z 仍加也為功相和 服 謂 親 受有得故齊者折之 祖 正 大 大 是其加於豪亦除所 父 服 小 功 功 功 三殺服其父兄也以 母 與 而 倸 且 亦 月不止本與弟葢减 加 為 兄 者嫌一月祖之曾至一齊 爲 爲 弟 期則 以於等數加服祖三 Z 後 大恩靚而一也之月 服 夫之祖降等不本者 月者 服 何 一曾敢服為 是 年 三而浪等祖以小欲

曾祖皆有小功之差則曾孫元孫為之服同義未諦 自吾反覆言之其旨昭然若揭矣鄭君之注曰高祖 **凌氏矚曰程瑶田喪服足徵記喪服不制高祖元孫** 昆弟也族父從祖昆弟之親也族祖父亦高祖之孫 **服著名馬融其最也於緦跅章云族祖父祖之從父** 也文數不論日不為高祖制服其說紛紛漢儒以禮 叉殺之者要見得稱情立文上殺之服限實窮於此 月之月數而不制齊衰五月但制齊衰三月殺之而 服也不敢以兄弟之服服至尊明明於此條中容五 服述子夏爲曾祖父母立傳之言曰小功者兄弟之 /瘦服八 美球地

族曾祖父母族祖父母族父母族昆弟此四總麻與 進以齊衰踰數等之服豈非爲尊重而言也據此 喪服條例衰服表恩若高曾之服本應總麻小功而 有服於髙祖有服明矣馬鄭之說同也戴德亦然可 也馬云然者欲推出高祖有服之意也何也總麻章 見漢儒舊說皆以爲高祖元孫之有服也又孔疏案 己同出高祖己上至高租爲四世旁亦四世旁四世 以證高祖之有服又從旁殺而推之族昆弟於己 云亦者己 三從兄弟親兄弟服期 )祖爲高祖之孫此族祖亦爲高祖之孫 從兄弟大功再從兄

服至五而窮也設高祖無服服僅四世可乎然則高 斷則已爲父期爲祖大功爲曾祖小功爲高祖宜親 之此以加隆而言之者也若據 三年間 至親以期為 年為祖期爲曾祖大功爲高祖小功據服三年而推 **祖之有服叉可知且五服始於斬終於緦已爲父三** 五宗廟有五廟服有五服宗至五而遷廟至五而毀 至高祖爲五世由己以下至元孫亦五世所以宗有 **祖之後者也所謂四世而總服之窮也若由已以上** 麻此據本服而言之者也若據服 小功三從兄弟總麻上至高凮下至己兄弟同承高 /瘦服八 三年者而推之則 毛水恕膏

个曾祖不以小功之服服之也<u>葢</u>曾祖若仍以小 爲曾 之月數 見高 **曾祖皆有小功之差也此聖人立言之旨至精至微** 大功則高祖不見言小功則高曾竝見矣何也高 曾祖父母之下傳當云服大功而不當云服小功言 功之衰則易之以齊衰曾祖如此則高祖不得以 無匹也知此則聖人不言爲曾祖大功而言小功正 可以躁率遇之者也而鄭注之善會傳意亦干古 祖 曾其服之同凡不見者以此求之而自得也夫 小功苟無服兄弟之嫌則高祖可以緦麻 而加以齊衰則太重故月數則準總麻而 湘

得備禮於高祖高祖之年百有四十歲矣此眞拘泥 親孫五也以祖親高祖以孫親元孫九也此鄭氏以 制也夫由己而上親父下親子三也以父親祖以子 體故服可以不依次序滅殺禮窮則同此聖人之 將何以處此與曾祖同服齊衰三月高曾與已非 矣祭法王下祭殤五嫡子嫡孫嫡曾孫嫡元孫嫡來 孫親元孫安得無服有何未諦乎程叉以爲若元 兄弟之服服曾祖而可以兄弟之服服高祖乎然 |為五以五為九之說也據此以曾祖親高祖以曾 服之何也由三年推之高祖固宜小功旣不可 /瘦服八 **長**塚 恕 奮 則 同

於高 於 見高 同堂者不 之文乎戴德變除云斬衰三年孫為祖父後者上 孫祭不止於元孫而元孫不為高祖制服何也左傳 孫無服喪服經不言高祖元孫者不制 及爾 氏培暈日近程氏瑤田著喪服足徵記謂高祖元 百四十歲而始見元孫之備禮者乎 四世而總數語為樣云四世 祖自天子達於士與子為父同若元孫皆不 元孫無有老幼如其不見經傳何以有 一其人其高祖之年未及百歲又何以定 而 緦服之猏 服也其說以 五 元 通 孫

]

祭七世除太祖二 亦止 曾 祖 為元孫無服但以袒免行事張氏履辨之云逮見高 不數已且大傳本指旁殺若謂五世租免指高祖元 則正 即以服智祖齊衰三月者服之逮見元孫即以服 而爲服之差固不得自占 孫總麻者服之經不著可推而知也小記之以, 五以五為九以己合上下數之大傳之四世五 孫總麻服至此而窮也五世袒免殺同姓也謂 四世不得數已而爲五世以已方計其人之世 統也謂之同姓 √喪服八 **姚則高祖為四世如程氏說豈** 可那且上 世也荀子有天下 數高祖下數元孫 **完** 水 恕 齊 世 高

旁數者也故視昆弟為一世又從旁而下至昆弟之 錄要以張氏之說爲正 者也故視子為一 仍為四世不得為元孫無服引例也其言甚繁不具 之爲昆弟之元孫五世袒免者也自吾高祖視之 祖為五世廟乎程氏又云族昆弟之子自吾曾祖視 六世親屬竭者也張氏辨之云子孫出於已從下數 元孫爲五世然昆弟之元孫雖爲五世而己之元孫 錫恭案程易疇之述不制高祖服也曰應制服心 **小制以喪服年月之限限之也然喪服有期有服** 世元孫爲四世昆弟同出於父從 列

親傷蘧伯 爲 **宏齊之鮑國吳之季札年皆登百歲以上見於春** 年 服 則 且大傳以總爲服之窮不以三月爲服之 制服夫人之壽何常之有若鄭之洩駕晉之 月之限不得以限之矣至論所以限於曾祖者 至尊齊衰三月以上更無可殺然不殺則 月為期之窮而齊衰非服之窮藉使功總 日三十有室高祖元孫不得見也不見其人 通例鄭君謂為高祖服與曾祖服同 安見相 五 又見僖公三十 百歲以外見春秋及 又見僖公 正由此 ) 窮然則 同 不 也 尳 可

服 說 求 遇 偶 觸 得見之 月 得見 成 在 而 取其至少之 平且程 祖 作修 喪之 勝指 而漫 月也日本 也始札成 聯 輕者可以已 禮 駁 氏 芻 數 齊衰之三 M 爲 固 必 蓮 此取 論 皋一 制 云 一應制 矣是 於 玉尚 服 蟕 其 是 年 | 矣故總麻 祖 以 何禮 高 月 服 可 八正之 父母 與 祖 百見又 之節 也易 **郷麻之** 應 孫 服 疇此 也 制 西卒

服至尊也既不可大功又不可小功將服其故衰 則傳固云小功者兄弟之服也不可以兄弟之 乎則無以異於為祖父母也將受之以小功衰平 首主於父母由此意而推之則此服之制宜主 皆三月而葬旣葬而卒哭當受以輕服是變服之 有九月五月何也曰無服可受也鄭君有言服之 **恩殺者則遂除之矣此齊衰所以有三月也其不** 節也於時恩隆者去麻服葛當受以疏衰功衰而 之而除至於齊衰之三月非謂此也古者大夫士 // 复狠八 黑水奶膏 於

有然所謂喪未成人者其文不縟也尤非所以服 定者也難者將曰高祖與曾祖同服可乎則應 **鲵葬受服之時將何說以處之此亦今日所宜更** 祖為齊衰五月始於貞觀成於開元吾不知其當 乎則旣葬而不受不除者小功而外惟殤之大功 無服可受除之不亦宜乎唐人不知此誼也增於 之子孫故祖之上孫之下有大節級焉祖之父祖 日何爲不可小記曰親親以三爲五以五爲九肵 至尊也祖之父祖恩亦殺矣旣葬卒哭哀亦替 者由超而親祖之父祖由孫而親 Kulker in This

皆不然也彼於其本異者同之而可同者異之遂 父母齊衰三月為孫大功而曾孫總麻以其厯 以五為九之誼則曾祖與高祖同服瞭然矣嗚呼 禮服無專家久矣唐人之攺曾祖父母服也豈不 孫之子孫同是由孫而親之何不可同服乎明乎 體之君子奈何不糾正之耶 五篇九之節級也則祖之父祖同是由祖而親之 孫之子孫無大等殺爲爲祖父母齊衰期而 使受服之時無說可據 一月似等於緦麻曾祖當異於高祖乎而孰知 喪服八 由脉於服術故也後世

月自天子至于士一也都也中有諸侯亦謂始封 通典晉袁准正論案禮喪服 之言也今有彭祖之壽無名之祖存爲爾雅有來孫 祖周則曾祖大功高祖小功而云三月者此通遠 雲孫仍孫昆孫有相及者故也十代之祖在堂則不 **遠也無名之祖希及之矣故不復分別而重言之** 祖也蒯瞶禱康叔自稱曾孫非四代之曾孫然則 可以無服也郯子曰我高祖少昊擊之立也非五代 三月以著遠祖之服故齋線以見高祖以上之 始封者

百世 也自 服 李氏如圭曰曾猶重也曾祖以上 無高祖元孫或曰經之所不言則不服是不然曾重 日知錄宋沈括夢溪筆談曰喪服但有曾祖曾孫而 雖 一月乎 於后稷亦稱曾孫而祭禮祝文無遠近皆曰曾 五屬之文而云無服乎族祖祖父母總麻而曾祖 知其違祖稱曾高其服同也儒者或以爲高祖無 祖而上者皆曾祖也自孫而下者皆曾孫也雖 可也苟有相逮者則必為服喪三月故雖成王 調之 喪服八 后稷蒯瞶之 一皆謂之曾祖曾 室 求恕 於康叔

旁親之殺極於九正統則固無絕道也不言以五 逮者必為之齊衰三月小記所謂親親以三 者因曾 五為九上殺下殺旁殺而親畢者自爲旁親生文 稱曾孫故喪 言三案 祖 上為沈 以 祖 非經文之脫漏也葢以是而推之矣凡 岐通談殺五存 路考而下以中 之中刪殺五李 服 祖父母齊衰三月而不言曾祖父之 曾 無高祖元孫之文雖十世之祖 之服 皆 同故 也同通殺旁 略 為 為五 爲

可見 問 曾 之矣 旭 可以見曾孫之 矣 孫相見其得 謂高祖巳 此語取之 誤程 瘦服 八 祖已上五世六世無服之祖者並非假如元孫持高祖重來孫都無服及 壽以百年爲限故服至五世而窮 易疇謬 祖 、論世數 一子虎盟諸侯亦曰及而 記祭法言適 至於三 子百有餘 苟六世而相見焉其服不異於 而知 不言者以是 年 子適孫適曾孫 曾祖之名統 而曾孫之子之 而推之也實 壽至八九 世而 適 非 観

|氏世佐日爾雅云曾 王曾孫篤之鄭氏簽曰曾 孫日 孫義取於重孫可厯 為然宗廟之 皆稱曾孫禮記郊特性稱曾 雅傳元帝詔曰禮事宗廟自曾孫已下皆 也於曾祖已上稱會 左傳哀公二年衞太子禱文王稱曾孫 中並無是稱詩維天之命駁 世共其名無所改也 祖王父之考為高祖王父 則高祖之名 孫重也自孫之子而 曾祖以至 非起於後 曾

世而相見爲其服不異於曾祖是也云曾祖之名統 以其相及者鮮且自曾祖而推之可知也顧云苟六 喪服經但著曾祖父母之服而高祖以上略而不 别世數同其稱者見其世雖遠而事先之情如 孫 宗廟之中自孫之子而下皆稱曾孫異其名者所以 元孫之子爲來孫來孫之子爲昴孫晜孫之子爲仍 世而言之則非矣 妣 錫恭案爾雅釋親王父之考爲曾祖王父王父之 仍孫之子爲雲孫自元孫而下五世各有名稱 為曾祖王母曾祖王父之考為高祖王父曾祖 //复服八 では、これのでは、 也

服稽之於傳則高祖之 **雕均在以五為九之列其親同也均為正統而在** 注云已上親父下親子三也以父親祖以子親 之定名見於釋親有明徵矣謂曾祖以上皆稱 此經之貿祖爲上 王父之妣爲高祖王母是曾祖與高祖各爲 五也以祖親高祖以孫親元孫九也是高祖與曾 之考妣也喪服小記曰親親以三爲五以五爲九 |其尊同也證之於經則高祖之 羽 人・ツ 一包高祖也小記又承上以五 )親亦有小功之差炷故以 屬尚有總麻之 

畢則上 祖之義也夫以尊祖之故而爲宗子齊衰三月則 經丈夫婦人為宗子傳日尊祖故敬宗敬宗者 也吾於爲宗子齊衰三月而知爲遠祖亦必齊衰 平吾於丈夫婦人為宗子而知為違祖之必有服 高퀦而不及遠퀦也經者道其常以五為九而親 高祖上之遠祖荷逮其喪可不以敬宗之服服之 至以五為九而畢是以注謂經曾祖所包者止於 月也葢親親之屬雖竭而尊尊之統無窮袁氏 而會日上殺下殺旁殺而親畢矣上殺之親亦 /喪服八 一殺至高祖而止矣經注固未遑及他也上 吴水恕点

適於爾克 為遠祖服者尊尊之誼也尊尊之義可上推而 夫親親畢於以五爲九則下殺至元 準沈氏括願氏炎武諸說皆能得經外之意者 雖百世可也苟有相逮者則必爲服喪三月是 孫沈氏括云由祖而上皆曾祖由孫而下皆曾 之考妣之定名經特上包高祖耳乃以爲由祖 之通稱沈氏倡之於前顧氏沿之於後其說 下速故上 無名之 存中所論不專指適也曾祖父母者王王下祭殤及適來孫惟曾祖父母者王 一服可及無名之祖而下服不得過元 而 下服來晜之 孫而止矣其 孫其說非矣

父而言也從祖祖父從祖父昆弟錫恭案昆弟 迷謬也 齊衰三月明明加也何得云加所不及乎甚矣其 故服周曾祖恩輕加所不及正當小功故傳曰以 說者服本以周爲正父則倍之故再周離亦加 通典王肅曰祖父周則曾祖大功而傳以小功爲 翼經注者要在擇其是而辨其非爲爾 小功言之耳錫恭案旣云正當小功矣而今爲之 釋輕是不易之定論若袁沈諸家之說亦有足輔 未是所當舉爾雅以正之者也夫經以定服注以 //喪服八 肅又曰傳言小功者兄弟之服是據祖

為從父兄弟者也從祖祖父則與己祖父為兄弟 之尊者將曾孫不以曾祖爲至尊乎尤謬論也 發明若如肅說則曾子問云不得嗣爲兒弟服 尊錫恭案下傳言小功以下爲兄弟與此傳正相 故曰小功者兄弟之服也不敢以祖父兄弟小功 從祖昆弟同與已爲兄弟之族而從祖父與已父 妻之黨爲兄弟又據誰而言也且以至尊爲祖父 此三者其親皆從祖父而來也而己皆爲之小功 云公子之妻爲公子之外兄弟爾雅釋親云母與 乙服服祖父之尊者故曰不敢以兄弟之服服至

宗也 大夫為宗子傳曰何以服齊衰三月也大夫不敢降 問答云不敢降其宗也者於餘親則降也 尊不降宗子爲之三月宗子旣不降母妻不降可 齊衰三月錫恭案大夫為宗子雖絕屬者 疏大夫尊降旁親皆 庶子爲大夫以 通典馬融曰五屬 李氏如圭曰 倳 以大夫於餘親皆降獨不降宗子故并服 /爽服八 1大夫不奪宗故也曾子問曰宗子爲 性祭於宗子之家小宗且然大宗 孫雖為 等尊祖故敬宗是以大夫 大夫不敢降宗子者故服 **冥味 恕 瘤** 知

敖 可 秦氏蕙田曰喪 四 則必放母有 貴 氏 非兼說妻 親 知 氏 繼公 敬日 世宗誠大 者 問錫 可 降 宗恭 此婦是夫 亦 子案 耳大夫 前 者子非 日亦與宗子絕 不說然此 服 言 可兼 為李 上服之 丈 小氏 服言宗子之 不宗文既 如 四 不降則宗 小 宗 夫 辨婦婦如邦 但因 媥 當自 說人眾 宗 未推 敖人可 败子 爲宗子此 兼則 知 之服皆指 宗命矣 者 見四有 子 重 婦婦婦敖 也 其小本 服 說亦人又 可 大 知 叉言大夫 則宜爲云 宗言 此然宗前 者 俟不世錫 云也子條 考隆佐恭 或 與以秦 此盛 命錫宗云 婦恭子丈 此盛 云 大氏 兼 疑 亦案之夫 則

其以道去君而猶未絕也注以道去君爲三諫不從從 舊君注大夫待放未去者 有列於朝出入有韶於國妻子自若民也 配云通典集釋俱作網 待放於郊未絕者言虧豫尚土禮居仿朱嚴州本校勘待放於郊未絕者言虧豫尚 宗廟故服齊衰三月也言與民同也何大夫之謂乎言 傳曰大夫爲舊君何以服齊衰三月也大夫去君掃 子也 **尊**同但爲宗子齊衰三月之服不必别云大夫爲宗 **凌氏廷堪**曰此宗子指士而言若宗子是大夫則其 // 更服八

案上下四經皆爲舊君不言國皆字似衍 **舊君止是不敢進同臣例故服之三月非爲土** 國 國君言國其妻長子爲舊國君言國此舊君又不言 鄭知此舊君是待放未去之大夫者 境而為服故恠其重所以并服而問也又餘皆不并 **不宫國庶人本繼土地故宫國也其妻長子本爲繼** 地故言國此待放未去本為君掃其宗廟爲服 此為舊君服對前已去不服舊君此雖未去已 一地故不言國也錫恭案繼土地未解其義 **國二字似當重據繼在土地而爲之服正如爲** 曹氏元駕日言據繼在土地而爲之服正如爲 鄭據傳而言也 **州日庶人爲** 地

深重者并人而言至如寄公本是體敵 并言寄公此待放之臣已在國境可以不服而服 列 胥甲父於衞之等爲非道去君云未絕者言虧祿有 放者此以道去君據三諫不從在境待放得環則還 **敬并言大夫也** 得玦則去如此者謂之以道去君有罪放逐若晉放 存吉凶之事書信往來相告不絕 問直云何以齊衰惟此與寄公并人而問者所恠 大夫舊位仍在出入有韶於國者謂兄弟宗族猶 於朝出入有詔於國者下曲禮文爵祿有列謂待 / 喪服八 注 云以道去君謂三諫不從待 引之者證大夫去 朝重服故 **平** 求 恕 詹

則亦不服矣云妻子自若民也者 去君固 長子父在朝長子得 服 外言大夫者以其士 仕爲者有士可知是以傳亦不言大夫次云大夫 長 外其妻長 若然君 子與眾子同父 不使掃宗廟虧祿已絕 子爲舊 國君也上 行大夫禮未去爲君服斬 子雖未去 妻亦歸宗 祀為 大夫長子異親 一下舊君皆不言士 此 與大夫同其大夫 此 鄭還約上 則是得玦 夫雖去 在恭子錫 父案未恭 爲 而

不已敢去 卿 逋 御 典馬融日大夫爲舊君據 士者 臣故 揔兼之 及 孤者詩云三事大夫則三公亦號大夫則大 從出國之時案曲禮踰寬素服 服舊君矣是以此舊君唯有大夫也若然不言 婦 自全 非 自同於 三月而後卽向他國無待放之法是出 此主為行 於留臣與鄭義同以留臣此待放未去故以留臣此待放未去故以不去固自留臣若以不去固自留臣若以不法固自出於留 矣錯為無服皆謬 喪服八 一經前 放未絕大夫有此 |有爲舊君今復有此舊 辨見本節 列位 乘髦馬不登鬋 法 敢 雖 求恕騖 有 比 欧 其臣 卽

施 服小君知恩有深淺也仕爲而退君臣道足恩義 以 晉崇氏問湻于曆日凡大夫待放於郊三月君 則還賜 反服於 恩及母妻今被放 知前經是仕爲而已後經是待放未去者葢以兼 三月未得環玦未適異 則 三月或難曰今去官從故官之品則同在官 事 但 玦 君 也禮 爲 則去不知此 戏首 其 及其親 猶 而已 而去名義 復未絕故得同於 **鲁穆公言** 服已 也 國 賜環玦未答 而 盡 安若 君掃其宗廟 禮二 失語 君 不能掃 /庶適 後相思 故 其 服 待

品品 故官之品其除名不得從例令但言諸去從故官之 **自之品可知矣今論者欲使解職歸者從老疾三** 王賀要記猶自使老疾三諫去者爲舊 去者例為 官從 不分別老疾三諫去者則三諫去得從故官之 也放 為舊君服腐 放官之 故耳老 應爲其君服斬王肅貿 服 君服齌失之違矣釋曰按令諸去官者從 疾三 例敢見臣服斬發紫城 明矣夫除名伏罪不得從 則明今以老疾三諫去者不得從 諫去者豈同除名者乎又解 、循皆言老疾 **紫敢字上脱** 城謝氏本作 君服瘤 故官之 至求想率

雖 放退者終身不 年老廢疾與待放之臣而已老歸省 解職 豈得相 古之道 殊其服例哉 而 此 **仕於朝今歸家門與** 例 也夫君 者後將 不即 准釋 禮亦當為舊君服齊 退 復 復仕無離絕之事固應服斬一 人心退而致仕孔子善之此非老而 日古者年老廢疾乃得致仕閱子纂 又難日按禮及先儒 臣荷非墜諸淵之 絕道况以老 入君之朝臣之義絕宜降而服 老疾三 灰歸 無不 諫去者豈異而 虚考虚 唯年老 無復為臣 說爲君 引讀 作禮 服劑 國内 一者各 之道 雅

賤厭降乃云 放之臣與人同服者亦以磷賤故也而難者不察 於君有子道尊君之義臣人 臣為其君 云 臣之服例皆應 諫去者 為君服齊者當作人一別親疏明貴賤也老疾待 聞命駿奔何為終身不入君朝乎君為人父母 絕乎禮臣三諫不從不得已而去若君能悔 疾去者無異常可必已後可還仕與自同於 / 喪服八 服斬乎如令後可還仕便得同見臣之 時罷退後 一絕其舊君悖於禮矣解職者既已疏 可運 **仕方於解職未始有** 耳而禮臣爲君服 求恕 過 納

統 去職者服斬難以言通論矣叉難曰王者無外天子 尊故謂之舊君凡在職稱君而俱服斬去職亦宜稱 **侯畿內之人服天子殲緩畿外之人則不能以爲天** 耳目宣力四方言君臣相與共政事有一 子有内外之差王者以天下爲家夷狄之土亦莫 貴故君臣之名生爲致仕者疏賤不得復託體至 臣雖致仕歸家與在朝無異不得稱君爲舊而 **粮也釋日京師方千里之地謂之畿其餘以封諸** 故曰無外之義非所以論服 也聲曰臣爲朕股敗 而俱服濫左丞鄭襲曰君非天子之稱博士答 體之義

李氏如圭日掃其宗廟謂拚除之也 天生蒸人而樹之君天子非君君將爲在 孟子離婁篇云有故而去則君使人道之出疆又 先於其所往去三年不反然後收其田里爲已去 者言也而 庶人爲類在外之大夫在此經與上下文亦爲 锡恭粲李氏以此爲已去者其說貪自朱子開 之畫係分修經傳通解子文集卷五十儿有答 / 喪服八 此傳為 一大夫在外節專為其妻與長子言與士 上節集注引此傳以道去君而未絕 已去者言也李氏學於朱子者 **李集釋遂從其說旣如** 番水蛇麝

褚 易注 叙 氏寅亮曰注云已 庶人為 未去之大夫矣朱子大賢李氏禮經專門之 於 卯 **隙恩禮最深故不** 為掃除其宗廟是未絕 此 條仕馬 經 **次秩然非不持之有故言之** 一例詳 也不苟然注終不可易也 者以在 類也在 娲曹 説氏 外之大夫兼見於其妻長 |外之大夫兼見於上| 而立文 放解傳猶未絕之意已出在竟 主於其妻長子不害與 也此章言舊 位. 仍得棲遅 ) 成理 也而鄭君 君前後凡 子中尤 井里 經 合

īī. 者錫恭案此指 爲君之 後前後斷續首 乃不為服分限 不服然而負 新君 曾祖宗子三 更事新君義 別非强 母妻服此三者之分 也此說 要服八 罪引灰視仕馬 「附會 一條始列大夫為舊君之服又反置 耳非 服 尾衡決若是乎詳譯經交實與 之也此條符放未去旣在竟上 屬於新君 則經何以先著其妻子之 一稽氏之就是也為新君 忠厚之 1注也 至 也若即以 足 服刊斬而 而巳者有間矣故不敢 所事
之 爲仕恭 舊者案 正之 此為巴去 惟尊卑不 1.尊 服 曼求四篇 服父 隔 何 興 得 敵 在

**者自為舊君服可知經舉妻長子以包大夫之服其** 之子三者同服妻長子尙爲舊國君服則大夫巳去 服無容別出下舊君條文不與在外爲舊國君同而 傳釋爲仕爲而已者注以致仕言後儒無異辭一 曹氏元粥日經文舊君有三一 自服兼在外與在國言案經例大夫大夫之妻大夫 夫在外條主肓大夫之妻長子服舊君條主謂大夫 大夫在外其妻長子為舊國君注云在外待放已去 則直云舊君注云大夫待放未去者胡氏謂大 一為舊君同明不兼已去者傳云大夫去君掃 則爲舊君君之母等 則

義傳文亦甚明傳曰大夫爲舊君何以服齊衰三日 **廟是末去時事葢大夫在郊三月中有時祭君不忍 夫妻長子為舊國君條何不并空在外之文使兼未 妻子亦爲舊國君服如舊君條兼在外在國言則** 也大夫去君掃其宗廟故服齊衰三月也案掃其宗 且大夫在外者妻子為舊國君服則大夫未在外 服齊衰三月者旣離其位則猶致仕者之與民同也 即傳所謂去而云未去者謂有故而去未出疆者 廟則亦非仕馬而已者當爲待放未去者也待放 )妻子在內乎舊君條之不兼已去者經有 /要服八 美味恕

者之禮禮家先師述傳義至精炷本之不可易也傳 廟文在賜環賜玦之前則傳所云者明是待放未 玦則去案以其祿三分之二與之明臣未出竟云留 也白虎通云臣待放於郊君以其祿參分之二與之 君臣始終有禮故未去而君薨爲之反服卽已去一 君薨亦爲之反服以君先使掃其宗廟虧滁仍未替 其祭祀之絕使其長子掃除其宗廟仍以其滁祭是 與其妻長子使得祭其宗廟即傳所謂君橘其宗 云以道去君即所謂大夫去云猶未絕 留與其妻長子使得祭其宗廟賜之環則反賜之

舊國君言臣雖已去君待之無異於未去故仍服 異於致仕故服齊衰三月也大夫在外其妻長子爲 當與未去前同大夫爲舊君言臣雖待放君待之 為舊國君傳曰妻言與民同長子言未去爲文葢 於國妻子自若民也實願上 之待臣已去後與未去前同則臣之服君已去後 **歪胡氏從江氏筠說未是** 已去後仍未絕故注云虧祿尙有列於朝出入有 **衰三月 也注於經傳義定其分限觀其會通精密** 其宗廟掃其宗廟則長子仍守其田祿未去時未 //喪服八 一經大夫在外其妻長 此時未絕則去後亦不 紹

眾人十七字為 故注樣爵祿有列於朝出入有韶於國言之通其 於大夫在外條明在外者亦是未絕者也 夫注曰未絕者虧祿尙有列於朝出入有韶於 列即大夫故列也故疏日爵禄有列謂待放 乎言其以道去君而猶未絕也明以未絕故偁 錫恭案經承大夫爲而言舊君傳曰何大夫之 放未去之 庸三 位仍 讀大夫爲宗子舊 龍誰能易之 細意體味則經傳注疏脈絡質 一句而以舊君爲士者謂諸侯爲 一君智祖父母爲士者 通而待 如 亟

衰三 父母爲士者如眾人傳日 庶同誼眾人猶言庶人也庶人於見爲君者 君矣句讀當從注疏盛氏好新奇 國 君是天子號令不行於庶人也而 是庶人可二 、於舊君爲士者不當有服 此章平可知爲士者如眾人六字 君服者尊尊也天子黜之 子廢黜而行士禮者也錫恭粲此說非也眾 月於舊君爲士者豈同服齊衰一 // 返服 一君也不同服是庶人當無服 八 何以齊衰三月也大 爲士而庶人服 而大夫如之者安得 無當也 印 超不通於 乎眾人 **美水恕** 月平同 也 卽 服 問 服

對 敢 敖人案 疏 通 典馬 降 同陳 其 祖 綳 故眾 大 大 爲 也 1 尊 W 非易 不然土 敢 故 解 則字 降 不下氏 旁親 降 也為 也祈祷 如 眾祖 言曾 夫恭文夫 眾 明 租 爲 故 故知 服 三大祖 亦

述 者也未嫁者其成人而未嫁者 子子嫁者未嫁者 疏 胡氏培羅日 밤 降其祖也 服 亦重出 無 曾祖父母今并言者女子子有嫁逆降之 / 喪服 賤 笲 注言嫁於大夫者 同也 故次在男子曾孫下也但未嫁者同 經不云如士 明有所降 此眾 八 體者也止者了 飾 為曾祖父母 一而云如眾 不 降 黄 膀雖 也 何以 八氏不 人明曾祖父母 服 此烈 其嫁 **聂** 坂 齊衰 理

父母傳 體者 須言不敢又女子子 者 不 脱弧 五 許嫁者 世 許嫁亦笄爲成人亦得降與出嫁 降 明難 未校 字曰 者以 粥泥 可知 尊猶 嫁 言不敢降其祖者至此 也不易 后言之 其云成人明據二十 放因 日父案母 上城 降 有張 者 重 已嫁并言未嫁 条 爲祖父母傳亦不敢 下氏以 章爲祖父母本無降理 降 重 云成 尊以 知 是舉 見卑欲 已笄以醴禮之 調年 注: 同但鄭 可 明適 言降其 言嫁於: 重 궲 輕

曾明婦 通 鄧 祖 有所降也餘者皆不次 大夫妻也成入謂十五以上 典 父母不 氏元錫日女子子適人者爲其私親皆 馬融 是父至子 人雖為天王后不降其祖宗 /喪服八 降為 日嫁者未嫁者 戸湖 昆弟爲父後 重 也降曾 祖恭故案 云此 胐 心也但以恩思 輕直 為曾祖父母服 |許嫁未行者也以祖 為世权父母如 、降明有所 降 也 何也 嫁者 者祖 皆不 高

云成· 盛 父母則各以本 氏世佐 也,姊義 寅亮 則 爲 而未嫁者女子子在室 姊 道 章 則 服服之一 者馬命 子嫁者於其旁親皆 也言成 或 嫁於 有 放未 隆 者之 婦子 香為 彩 大夫者見不敢以出 故 何即 而未嫁者 為土者 降皆 與男子同不待言 姑 傳媒 得峄 惟於 此言之 無馬正尊 叉降 祖父母曾 降 所以 等以 發在 等 故 而 也 也 隆

**成人而未嫁者逆降旁親而不敢降其祖其意自** 黄先生曰經以女子有出降未出逆降之例故嫁 得經之微意敖氏乃譏其失旨乎 **禾嫁者並舉傳言嫁於大夫正見不獨適士爲然** 有逆降之 而上之雖諸侯之夫人|天子之后無| 已嫁者而易之 氏內則皆言! 嫁逆降也夫未嫁者所以逆降明當及時也 //喪服八 云由巳嫁者等而上此句微誤當并下二 十而嫁則年二十為嫁之時故 ) 笄醴兼 降其曾 之句 此二 惟其然則等 祖憲尤 空 求恕 一事乃有 也

降者因出降而生者也而嫁於大夫者并有尊降 之意傳云不敢降固己 大夫者則然若適人者固無逆降之禮錫恭案逆 天未嫁者葢許字於大夫者也逆降旁親惟字於 嫁時雖不逆降可也買疏兼十 有逆降之文若未二 雌尊猶 氏彤小疏曰凡女行於大夫曰嫁故曰嫁於 嫁於大夫而發也小疏專以尊降爲言而以未 出降與尊降且以出降為正義而尊降特 不敢降則非尊自不敢降矣是所不 一十雖已 五許城言之未是 體猶非嫁時也

道猶不降彼注云有出道卽此經云未嫁者明平 誼彼經不言嫁者未嫁者故注補之曰明雖有出 此知經者道其常無庸震驚於新奇之說也 說主明當及時以立言得之今錄於大功章 錫赤案此章與不杖麻屨章女子子爲祖父母同 **啄者屬之許字大夫失之矣沈氏叉著逆降旁親** ||/喪服八

